

TRUK DISTRICT CONGRESS

EFISUWEN MWICH, 1963

PUBLIC LAW NO. 7-1

TAKISESIN: METTOCHUN SAKAU MEINISIN

E PWE PUNGUNO ME REN EWE TRUK DISTRICT CONGRESS, PWE,

Tetten 1. Angei Takises: Ekkewe chon nounou naisin fengen me ekkewe business ra fori ika chumong sakkun sakau an e pwe tonong non Truk District re pwe pungutiw takisesin e pwe iei usun a tettenitiw fan non

Tetten 2.

Tetten 2. Aukkukun Takises: Takisesin Sakkun Sakau meinisin e pwe iei usun:

a. Sakau Pwetete - \$.20 ew 32 ounus nonon

b. Sakau Pochokun - \$3.00 ew gallon

Tetten 3. Fansoun Ewe Takises E pwe Pacheta: Ei takises a makketiw ikked e pwe pacheta won ekkewe sakau fansoun an tonong non Truk District, mwirin ra a fen wes me for ika fansoun ekkewe sakau ra totiw me won met a wato ika mwirin ar ra katou me non soko.

Tetten 4. Niwinin:

a. Niwinin ekkewe sakau meinisin e pwe katotiw ren ewe District Treasurer ika io a finita pwe e pwe siwinietiwi me mwen an ewe naisin e pwe tongeni angei an ew chumongun sakau. Echo ewe (invoice) taropwen pisek ika ewe taropwen pisek me won sip ika pwan ekkoch sakkun taropwe mei auche fan iten ekkewe pisek e pwe etto ren ewe District Treasurer ika emonnowe a finita pwe e pwe siwinietiwi, fansoun an a monatiw an takises, e pwe pwan angei taropwen an kewe pisek me ren

ewe Treasurer ika io a siwinietiwi fan iten an e pwe tongeni angei an kewe mettoch.

- b. Moni tonong meinisin e pwe nom non nenien isoisen mwonien Truk District.

Tetten 5. Repot me Sakkun Taropwe: Emon me emon ekkewe chon naisin repwe watto ren ewe District Treasurer ika io a finita e pwe siwinietiwi sakkun repot ika taropwe fan iten porausen an we neni ika noun we naisin. Ewe District Treasurer ika io a finita pwe e pwe siwinietiwi e pwe wor ar pochokun ar repwe tongeni nenengeni noun ewe chon naisin taropwe non fansoun ese nifinifin usun mei fen affat me non ei annuk.

Tetten 6. Apochokunen: Chon puri ika atai pungun ei annuk re pwe tongeni paking won esap nap seni \$500.00 ika kanopus non aukuk esap nap seni ew ier, ika fen ir me ru.

/s/ Raymond Setik 8/29/63
Raymond Setik, President Date
Truk District Congress

/s/ Robert Halvorsen 8/30/63
Robert Halvorsen Date
Truk District Administrator

(Sgd) Maurice W. Goding
Maurice W. Goding, High Commissioner
Trust Territory of the Pacific Islands

9/25/63
Date